



Бекітемін

№32 «Қуаныш» балабақша
меңгерушісі А.Е.Ескалиева

«Қазақстан Республикасының Мемлекеттік рәміздері күні»

«Мемлекеттік рәміздер- мақтанышым»



«Бәйшешек» ортаңғы тобы

(тақырыптық сағат)

Тәрбиеші: Қуат Ж.Б

Ақтөбе 2022ж

Тақырыбы: «Мемлекеттік рәміздер- мақтанышым»

Мақсаты: Балаларға Қазақстан Республикасының Мемлекеттік рәміздерімен таныстыру. Туды, Елтаңбаны және Әнұранды бір-бірінен ажырата білуге үйрету. Балаларға рәміздерді құрметтеуге, қастерлеуге рәміздерді бәрінен биік ұстауға, рәміздердің әр элементтерін, бөлшектерін атауларын жатқа білуге тәрбиелеу.

Көрнекілігі: Қазақстан Республикасының Мемлекеттік рәміздері. (Ту, Елтаңба және Әнұран)

Әдіс-тәсілі: Әңгімелеу, өлең жолдарын қайталату, рәміздерді сурет бойынша таныстыру, сұрақ-жауап т.б.

Барысы:

Балаларды оқу іс-әрекетіне дайындау. Сабаққа деген зейінін психологиялық ойындар арқылы оятып, қызығушылығын арттыру.

Шаттық шеңбері!

Армысың, алтын күн,
Армысың, көк аспан.
Армысың, достарым,
Сендерді көрсем, қуанам!

Қазақстан Республикасының – әнұраны орындалады.

Тәрбиеші: Сәлеметсіңдерме балалар! Көңіл күйіміз қалай? Балабақша сендерге ұнады ма? Балалар біз қандай мемлекетте тұрамыз?

Балалар: Қазақстан.

Тәрбиеші: Әрине Қазақстан Республикасында тұрамыз? Біздің ұлтымыз қандай?

Балалар: Қазақ.

Тәрбиеші: Біз қай тілде сөйлейміз?

Балалар: Қазақ тілінде.

Ал, сендер біздің елді басқарып отырған Елбасымыздың есімін білесіңдер ме?

Әрине Қасымжомарт Кемелұлы Тоқаев. (Суреттен көрсету)

Сендер мына суреттерден не көріп тұрсыңдар? Балалар кейбір жаңадан келген балалар танығанымен толық білмеулері мүмкін, мен сендерге таныстырып өтейін.

Мына бірінші суреттегі Қазақстан Республикасының Мемлекеттік Туы. Балалар тудың түсі көк. Көк түс болудың себебі адам бойына адалдық пен тазалық пен үміт сияқты қасиеттеріне сәйкестенуі тегін емес, көк түс әрқашан бейбітшіліктің, тыныштық пен жарқын болашақтың белгісі. Яғни аспанымыз ашық болсын дегеннің белгісі екен. Тудың қақ ортасында күн мен қалықтаған қыран құсымыз және оң жағында оюдың суреті бар. Күннің болуы әрқашан күндей нұрымыз жарқын болсын деген ниетпен, дала бүркіті Қазақстандықтар ұғымында дархандық пен қырағылық, биіктік пен бейнеленген. Тудың оң жағында оюдың

Бейнеленуі біздің қазақ екенімізді білдіретін қазақтың ою-өрнегі бейнеленген. Ал түстерінің сары болуының себебі сары түс молшылықтың байлықтың белгісі. Келесі суретте Қазақстан Республикасының Мемлекеттік Елтаңбасы. Қазақстан Республикасының Мемлекеттік Елтаңбасының ортасында елтаңбаның негізі ретінде шаңырақ бейнеленген. Ол елтаңбаның жүрегі іспеттес. Шаңырақ еліміздің біртұтастығын, мемлекеттің бастауы, отбасы ошағын бейнелейді. Екі жағындағы қанатты тұлпар мәңгілік өмір, болашаққа үміт артқан сендер сияқты балалардың арманы, самғау биігі. Шекесіндегі бес жұлдыз мемлекетіміздің жарқын болашағына жол көрсетер жұлдызы. Елтаңбаның астында «Қазақстан» атты жазу біздің қазақ екенімізді білдіретін айырықша белгі екен. Біздің рәміздеріміздің бірі Қазақстан Республикасының Мемлекеттік Әнұраны. Балалар ҚР Әнұранның сөзін Елбасымыз Нұрсұлтан атамыз және Жүмекен атамыз жазған. Әнін жазған Шәмші атамыз. Балалар Мемлекеттік Әнұранды қалай болса солай орындауға болмайды, оны барлығымыз орнымыздан тұрып, оң қолымызды жүрек кеудемізге қойып бойымызды тік ұстап орындау керек. **Тәрбиеші:** Балалар осымен біз «Мемлекеттік рәміздер» атты тақырыптық сағатымызды аяқтаймыз. Балалар бүгінгі іс-әрекетімізде біз Қазақстан Республикасының Мемлекеттік рәміздері туралы ілім алдық. **Күтілетін нәтиже:**
-Көне маған кім рәміздерді атап береді?
-Ту және Елтаңба жайында өлең жолдарын қайталау.
-ҚР Мемлекеттік Әнұранды орындаумен аяқталады.

ЖАЛАУ.

Желбірейді шалықтап

Қазақстан жалауы.

Көкке қыран қалықтап,

Қанат қағып барады.

Көк аспанда нұрлы Күн

Күлімдейді далама.

Бақыт тілеп тұр бүгін

Ол барлық пәк балаға.

Ұлттық өрнек мұрамыз

Адастырмас мұраттай.

Нық көтеріп тұрамыз

Жалауды біз құлатпай!

ЕЛТАҢБА

Бейнелеп сан ғасырды
Елтаңбасы елімнің,
Таратады хас үлгі
Киесіндей жерімнің.

Бабам тұлпар жаратты,
Құлынында танып-ақ.
Тұлпар барда қанатты,
Шайқалмайды шаңырақ.

Тәуелсіздік көркі ол да,
Өркениет өрінде.
Нұр төгеді ЕЛТАҢБА
Ақ орданың төрінде.

Оқу іс-әрекетіне белсенді қатысқан балаларды ауызша бағалау.





